

Image not found

<https://letteraturaeuropea.uniroma1.it/sites/all/themes/business/logo.png>

Lirica Medievale Romanza

Published on *Lirica Medievale Romanza* (<https://letteraturaeuropea.let.uniroma1.it>)

Home > BERNART DE VENTADORN > EDIZIONE > Ja mos chantars no m'er onors > Tradizione
manoscritta > CANZONIERE C > Edizione diplomatica

Edizione diplomatica

B. de uentedorn.

IA mos chantars nom er honors.
en contral ric ioy quai conques.
quades magrops si tot ses bos. mo(s)
chans fos mielhers que non es.
quaissi cum lamors es sobrana.
per que mos cors melhuir e sana.
deuriesser sobriers lo uers q(ue) fatz.
sobre totz chans euolgutz e cha(n)
tatz.

Ai dieus tan bona fora a
mors. de dos amics sesser pogues
que ia us daquels enuios. lor a-
mistat non conogues. cortezia
es mout uilana. quazaquesta
falsa gens uana. fai conoisser
semblansa damistatz. que es
cortes lo plus mal essenhatz.

Per merce prec als amadors. q(ua)s-
qus per si cossir e pes. del segle
quom es enueyos. e quam pa-
ucs ni a de cortes. quamors p(us)
hom per tot sen uana. non es a-
mors quans es ufana. (et) es enu-
eitz uilanie foudatz. quom no
sapcha cui deu esser priuatz.


Ben ai chautit de l(as)[1] melhors. al
mieu semblan quanc dieus fe-
zes. mas tant alh cor uan e dup-
tos. queras lai eras non laiges.
quem ual aitals amors aurana.
quant hom non pot una setma-
na. us bos amicx estar ab autre(n)
patz. ses grans enueitz e ses de-
zamistatz.

Totz temps sec ioy iredolors. (et)
ire ioy gran tals uetz es. quar

[1] Aggiunto in interlinea.

Image not found

https://letteraturaeuropea.let.uniroma1.it/?q=sites/default/files/styles/330_px/public/C%20%282%29_10.jpeg&itok=d4kQdgoi

	https://letteraturaeuropea.let.uniroma1.it/?q=sites/default/files/styles/330_px/public/C%20%283%29_10.jpeg&itok=DxyFn_hx sai be ieu si ioy no fos. quom no saupra dira que ses. quieu pert per falsa lauzimana. tal ioy de finamor certana. que quim mezes lo mon daus lau- tre latz. ieu preiral ioi p(er) que sui enguanatz. Bona dona uostre socors. magra mestier sauos plagues. quar mout me greua la dolors. damo(r) quem ten lassat e pres. per dieu fort malamen ma pana. quar cilh quem trays emengana. ma uen amar si bem peza om platz. ara sui ieu del tot apoderatz. Messaggier uaiten uia plana. a mon romieu dreg ues uiana. e diguas lim que lai for ieu tor- natz. si no fos cilh per q(ui) sui en- uiatz. Mas daisso fai trop que uilana. ma dona quar aissim soa- na. quar del affan no mi ual ami(s)- tatz. tan quieu disses que mielh(s) sui sos priuatz.
--	---

- letto 415 volte